

靈寶領教濟度金書卷

一百六十四之  
一百六十六

道八

靈寶領教濟度金書卷之一百六十四

百六十六  
同卷

道八

洞微高士開光救苦真人竊全真授

靈寶通玄弘教水南先生林靈真編

科儀立成品

預修黃  
錄用

第二日早朝儀

步虛 燒香頌

各禮師存念如法

衛靈

五星虛映 煥景神庭 包羅無外 合炁羣靈

潛形杳默 周遊五經 揚威耀日 役使甲丁  
却災除禍 滌穢消氛 萬魔恐怖 龍虎飛奔  
紫雲交覆 萬炁齊并 和與道合真

鳴法鼓二十四通

發爐

道八

无上三天玄元始三炁太上道君召出臣等  
身中三五功曹左右官使者侍香金童傳言  
散花玉女五帝直符直日香官各三十二人  
出出者嚴裝關啓玄壇天帝神君當召此間  
土地里域真官正神急上關啓臣今奉為入



齋意以今清旦陞壇行道願得

玉清道炁靈寶妙光下降流入臣等身中即  
使玄壇清淨內外成真天無氛穢地絕杌塵  
琳琅振響十方肅清萬魔不干真誠上徹令  
臣所啓之誠速達徑御

太上無極大道至真玉皇上帝

御前

請稱法位

具位奉行預修黃籙大齋法事小兆臣某與  
臨壇官衆等謹同誠上啓

太上無極大道虛无自然元始天尊太上道



君太上老君高上玉皇十方已得道大聖衆  
至真諸君丈人三十二天帝君玉虛上帝玉  
帝大帝東華南極西靈北真玄都玉京金闕  
七寶瓊臺紫微上宮靈寶至真明皇道君三  
十六部尊經玄中大法師上相上宰上保上  
傅太平下教二十四真人西城總真王君太  
乙真人東嶽上卿司命茅君定錄保命二真  
人名山洞府得道神仙三界官屬一切真靈  
臣聞紫戶青房翼翼巍巍之帝闕黃庭絳室聯  
奕奕之神廬迴風氣混於雌雄旋斗精凝於

道六

二

魂魄英元旁拱日騰三素之玄符籍前羅雲  
藹五靈之妙眇鬱儀而紫霄駕景御結璘而  
碧漢凌真金璫玉珮以飛翔玉檢金章而輝  
煥靈飛六甲豁落七元虎符威制於六天鳳  
炁神遊於八極道妙三真之品律嚴四極之  
科倘悟靈關即躋聖域今齋主某圓穹賦質  
方澤凝形睇瓊笈以遊神企琅函而皈命念  
形形展轉百年梭擲於虛空慮生生循環萬  
劫機張於造化有尸累之業徑通塗苦之昏  
衢邈矣驚心懷哉援手三省營營而待旦九



思切切以崇朝仰黑鬱之尊神目瞻威力感  
清微之上聖口發靈音有二符九戒以輝華  
度二府九幽之暗惱生前佩奉身後逍遙爰  
請禱於龍宸庸懇祈於鴻貺齊心受度崇三  
乘碧玉之壇潔已預修覲九奏紫金之座慈  
雲覆蔭法雨羅敷騰翠積以寫心操丹毫而  
露泫嬰鱗履薄舉羽臨深今有青詞謹當宣  
奏

道八

三

### 宣詞

按如詞旨備切忱恂巨等練吉齋盟澄神淪

拓蔚龍墀之玉筍瞻獅座之金芝海鳳鳴晨  
日馭浴紫霞之景天鷄喚曉羲輪騰絳彩之  
華藹蘭霧於珠篝凝芝烟於翠蓋雲旂容與  
傳霄衢鳴蹕之音霓仗歲蕤簇禁路和鑿之  
韻五老啓途而前駕羣仙翼乘以傍驂御氣  
玄虛傾光丹陛不殫再三之瀆重摠萬一之  
衷澤被古今恩覃幽顯

以今清旦行道請法衆等運茲初捻上香  
願此香烟騰空徑上供養

无上至真道寶臣等皈身皈神皈命首體投



地仰依

太上三尊願以是功德上祝

皇帝陛下伏願帝錫龜圖神開鳳曆浮天浴  
日齊浩渺之福源挿漢凌霄等魏我之壽祉  
聲教風飛於四極車書日闢於八紘社稷先

靈汎龍輅而遊帝闕藩垣宗輔藹麟趾而翼  
王畿今故燒香自皈依

師尊大聖衆至真之德得道之後保天長存  
和與道合真

以今清旦行道請法衆等運茲二捨上香

願此香烟騰空徑上供養

无上至真經寶臣等皈身皈神皈命首體投  
地仰依

太上三尊願以是功德皈流齋主某伏願卿  
雲朝藹湛露宵凝院宇無塵挹蓬丘之瑞色

道八

四

門闌多喜迎瀛島之祥光彬彬靈鳳之九苞  
蟄蟄神駒之千里高玄凌景升神遊太素之  
庭眷序凝華接武迓始青之炁今故燒香自  
皈依

師尊大聖衆至真之德得道之後升入無形



和與道合真

以今清旦行道請法衆等運茲三捻上香

願此香烟騰空徑上供養

无上至真師寶臣等皈身皈神皈命首體投  
地仰依

太上三尊願以是功德皈流臣等師友同學  
道俗周親並願道紀彌綸玄機了悟餐霞獨  
嘯寸田融秋月之輝御景同流尺宅潤春風  
之粹均證无爲之妙同超有漏之因已徃形  
魂朝玉京而問道見存眷屬游金谷以凝華

今故燒香自皈依

師尊大聖衆至真

心得道之後升入無形

和與道合真

禮方

心方

三啓

道八

樂法以為妻

愛經如珠玉

持戒制六情

念道遣所欲

淡泊正氣停

蕭然神靜默

天魔並敬護

世世享大福

又

鬱鬱家國盛

濟濟經道興

天人同其願



縹緲入大乘

因心立福田

靡靡法輪升

七祖生天堂

我身白日騰

又

大道洞玄虛

有念無不契

鍊質入仙真

遂成金剛體

超度三界難

地獄五苦解

悉歸太上經

靜念稽首禮

三禮

臣等志心稽首禮

太上无極大道

臣等志心稽首禮

三十六部尊經

臣等志心稽首禮

玄中大法師

重稱法位

具位臣某謹重誠上啓

太上無極大道元始天尊太上道君太上老君  
無上玄老十方已得道大聖衆至真諸君  
丈人三十六部尊經玄中大法師天師君上  
相上宰四司五帝三界官屬一切真靈臣等  
螻蟻微生蜉蝣塵影藉千生之慶運際一旦



之昌期九霄琅書幸佩希夷微之妙炁三華  
瓊笈久窺玄元始之神輝莫賓冲鶴於冬筠  
乃玩織烏於春草負山凜凜懼貽大赤之金  
科涉水兢兢慮踐女青之玉律感海涵於帝  
澤但日贊於皇靈領教度人敢忘初志立功  
道八  
濟物盍罄前盟今齋主某激越分陰勤拳寸  
抱念形神旅寓目前幸慶於受中而生滅輪  
周身後更期於語上猶慮業山烟障塵海波  
翻鹿逐朝昏植惡根於順境猿騰歲月戕善  
種於長途捨心田而弗耘溺愛河而弗返名

韁利鎖紛紛跋躓其後先欲絆情羈歷歷顛  
冥其左右內虧忠信外滓謙恭罔知修身以  
齊家惟有責人而恕已積茲陰咎釀彼陽愆  
或七祖九玄神尚淪於暗域或三生四負寃  
未釋於幽關致塚訟之勾連與仇讎之執對  
三元籍錄五帝簡書倘未滌於前愆曷克徼  
於後慶天開地闢願頒鶴赦以羅敷日居月  
諸冀龍洪釐而流演即銷名於黑鬱為移字  
於青編考注水清寃憎風靡慶襟期而冲逸  
融步武於高華道罔百千萬重有巖有翼歲



功七十二候無患無災凝霞臉以流丹潤雲  
鬢而養素乘榆暮景安閑永耀於德星松栢  
歲寒遊宴常賓於愛日福延今世慶罷他生  
與道周流不涉神鄉之迹隨劫輪轉常遊聖  
域之居丹禱載馳洪慈聿鑒上願洞輔興行

道八

十

玄真宣暢五靈輝煥三極澄清鳴神鳳於梧  
枝巢靈龜於蓮葉醴泉流彩甘露凝華朝多  
忠貞之良野無賢材之逸九幽昭泰五苦脩  
闡則上明

天尊大慈之化下副臣等皈命之誠謹啓以

聞

發願

存神復爐

香官使者左右龍虎君侍香諸靈官當令臣  
清旦陞壇行道之所自然生金液丹碧芝英  
百靈衆真交會在此香火爐前令臣學道得  
道求仙得仙齋主受福幽顯沾恩十方仙童  
玉女侍衛蘭烟傳臣向來所啓之誠速達徑

御

太上无極大道至真玉皇上帝 御前



出堂頌

靈寶領教濟度金書卷之一百六十四

靈寶領教濟度金書卷之一百六十五

洞微高士開光救苦真人竊金真授

靈寶通玄弘教水南先生林靈真編

科儀立成品

預修黃  
錄齋

第二日午朝儀

各禮師存念如法

衛靈

黃中策炁 斬馘妖宗 遏絕邪源 制斷魔蹤  
太上符命 召制神功 萬靈斯格 却禍除兇  
王炁三輪 洞運真風 紫戶含瓊 大度無終  
左命青腰 右攝芝童 逍遙風景 總御九空  
玄壇應機 乘炁虛沖 萬真普降 濟度無窮  
和與道合真

鳴法鼓二十四通

无上三天玄元始三炁太上道君召出臣身



中三五功曹左右官使者侍香金童傳言玉  
女五帝直符直日香官各三十二人出出者  
嚴裝關啓玄壇天帝神君當召此間土地里  
域真官正神急上關啓臣今奉爲入齋意以  
今午朝陞壇行道願得

玉清道炁靈寶妙光下降流入臣等身中即  
使玄壇清淨內外成真天無氛穢地絕妖塵  
琳琅振響十方肅清萬魔不干真誠上徹令  
臣所啓速達徑御

太上无極大道至真玉皇上帝御前

請稱法位

具位奉行預修黃籙大齋法事小兆臣某與  
臨壇官衆等謹同誠上啓

太上元極大道虛无自然元始天尊太上道  
君太上老君高上玉皇十方已得道大聖衆

道八

九

至真諸君丈人三十二天上帝玉虛上帝玉  
帝大帝東華南極西靈北真玄都玉京金闕  
七寶瓊臺紫微上宮靈寶至真明皇道君三  
十六部尊經玄中大法師上相上宰上保上  
傅太平下教二十四真人西城總真王君太



乙真人東嶽上卿司命茅君定錄保命二真人  
名山洞府得道神仙三界官屬一切真靈  
臣聞碧落空歌萬聖流精於黎土紫虛鬱秀  
五神混粹於華房回靈彰十轉之奇制運煥  
八威之妙七經駕景朝祖炁於玄關八緯凝  
真藹靈光於丹谷勅神鄉而玉龍度品檢鬼  
營而金馬驛程赤書敷煥於八方紫字昭回  
於四極五方靈篆三寶神章九幽開濟度之  
瑤圖三籙耀威儀之瓊策入幽出顯明丁甲  
變化之靈返陰還陽昭天地虛玄之聖藏紫

宮而期逾萬劫開錦囊而瑞逸九霄道既顯  
於上穹教斯流於下土今齋主某冰清宇垢  
風散襟氛心馳紫闕之崇日睇丹臺之峻念  
二儀密覆期朱顏綠鬢之圖形而五紀潛移  
恍皓首厖眉之入眼生前碌碌身後茫茫孰

砥柱於福基曷棟梁於慶運夙宵荆甲明發  
針氈載瞻鳳笈之玉章申睇鸞函之寶籙二  
符赫奕生生留自在之身九戒勤渠劫劫保  
長存之景聖力聿彰於北鬱神功常著於南  
丹誓罄皈依期先佩奉爰按預修之旨徼福



玄壇幸遵受度之文祈恩紫禁闢九幽之慧  
逕棹五苦之慈航丹筆誠孚青藤敬徹扣天  
墀而虎拜旌民欲之蟻忱壇有青詞謹當宣  
奏

宣詞

道八

十

按如詞旨備切忱恂臣等黼黻冠裳宮商環  
珮鷺立華坳之祀鳧趨文石之班烏御經天  
耀朱實絳柯之彩騫林煥景振翠條碧榦之  
音瞻麗色於紫虛仰粹容於丹宸十華日麗  
三極雲清綠輦丹輿紛歲蕤於天仗玄龍朱

鳳舞容與之仙儀承顏浩劫之尊扣首虛元  
之聖光中凝妙景外通玄鑒激切之葵忱降  
羅敷之芝澤天人加額幽顯歡顏

以今臨午行道請法衆等運茲初捻上香  
願此香烟騰空徑上供養

无上至真道寶臣等皈身皈神皈命首體投  
地仰依

太上三尊願以是功德上祝

皇帝陛下伏願德邁三皇功超五帝八圓載  
德朝東歡泰定之期允執同仁拱北慶文明



之運四德美彰於內掖三朝孝著於東宮社  
稷先靈汎龍旂而御景宗枝列輔扶鳳曆以  
齊天巍巍有道之長蕩蕩無爲之化今故燒  
香自皈依

師尊大聖衆至真之德得道之後保天長存

道八

十一

和與道合真

以今臨午行道請法衆等運茲二捻上香

願此香烟騰空徑上供養

无上至真經寶臣等皈身皈神皈命首體投  
地仰依

太上三尊願以是功德皈流齋主某伏願福  
海深澄壽山聳秀雲鵬萬里乘海運以扶搖  
風鶴九臯樂天和而鼓舞視履常陶於玉樹  
留顏永駐於金花玄祖超凌削六宮之罪簿  
姻親樂育崇四極之仙編潤身屋之芝蘭襲  
絃歌於棗梓今故燒香自皈依

師尊大聖衆至真之德得道之後升入無形  
和與道合真

以今臨午行道請法衆等運茲三捻上香  
願此香烟騰空徑上供養



无上至真師寶臣等皈身皈神皈命首體投  
地仰依

太上三尊願以是功德皈流寰宇之間嶽牧  
守宰文武職僚伏願承天布德體道施仁政  
美崇陰絕當道豺狼之暴瑞凝麥秀無他鄉

鴻鴈之憂風沉方野之綠林雨鞠園扉之青  
草柳營月淡成八陣之奇勳榆塞風清藹三  
邊之偉績虎符榮綬鳳綉重環今故燒香自  
皈依

師尊大聖衆至真之德得道之後升入無形

和與道合真

禮方

懺方

命魔

步虛

三啓

三禮

重稱法位

道八

十二

具位臣某謹重誠上啓

太上無極大道元始天尊太上道君太上老

君無上玄老十方已得道大聖衆至真諸君

丈人三十六部尊經玄中大法師天師君上

相上宰四司五帝三界官屬一切真靈臣等



識倫瑩燿志慕鶯遷承浩蕩之慶緣際魏笈  
之道運蒼虬玉籙莫棲雲岫以心修紫鳳金  
圖徒踐塵樊而身佩樗材自歎榆景難留勲  
行無萬一之圓悔尤有億千之積慈雲布澤  
尚厠跡於玄班法雨承流期竭誠於黃混乘  
非履過弘道憲天旣初忱證誓於三官敢終  
志寒盟於四極今齋主某目瞻蒼昊心遡紫  
清浩乎萬水之朝東爛若衆星之拱北修齋  
行道保福祿於今生膺戒佩符襲禎祥於後  
世猶慮聖源波漲覺地塵生慕鴻鳴以心馳

縱猿猴之志蕩狂瀾愈倒昏霧終迷三彭伺  
隙以紛紜二豎乘危而流浪茅塞虛靈之逕  
荆荒粹妙之天愛根惡根生死根膠其結節  
業障報障煩惱障混其形神或高曾之塚訟  
牽連或冤憎之仇讎執對匪蠲塵累曷就良

道八

十三

緣惟頒爵祿於端門願敷帝澤庶滌憲章於  
幽戶冀奮天威金符煥耀以開春玉詔飛行  
而照夜銷名北府列字南昌釋考訟於寒庭  
散勾連於夜壑春風亭院酣華駐景於玄泉  
秋月簾櫳濯秀融光於霞液玉在山而石潤



珠藏水以淵澄福衍脩齡永對陽天之艷麗  
慶流累劫俱辭陰地之幽寥返胎更生登真  
度命上願玄黃澄晏日月輝華河洛呈祥山  
澤昭瑞被髮含齒逍遙共樂於堯年帶羽披  
毛鼓舞永依於舜日畎畝絕遺蝗之影封疆  
殄暴虎之蹤九壘春融百昌日茂則上明  
天尊大慈之化下副臣等皈命之誠謹啓以  
聞

發願

存神燒香

香官使者左右龍虎君侍香諸靈官當令臣  
午朝陞壇行道之所自然生金液丹碧芝英  
百靈衆真交會在此香火爐前令臣學道得  
道求仙得仙齋主受福幽顯沾恩十方仙童  
玉女侍衛蘭烟傳臣向來所啓速達臣御

太上无極大道至真玉皇上帝御前

出堂頌

靈寶領教濟度金書卷之一百六十五



靈寶領教濟度金書卷之一百六十六

洞微高士開光救苦真人竊全真授

靈寶通玄弘教水南先生林靈真編

科儀立成品 預修黃錄用

第二日晚朝儀

道八

各禮師存念如法

十四

衛靈

金真空降 神虎檢營 玉帝披霞 諸天命靈

九晨回駕 萬魔束形 九微迸烟 神威攝精

流金擲火 百惡消并 神暉耀夜 洞煥長庚

聖道蕩蕩 十方肅清 保制劫運 元亨利貞  
和與道合真

鳴法鼓二十四通

无上三天玄元始三炁太上道君召出臣等  
身中三五功曹左右官使者侍香金童傳言  
玉女五帝直符直日香官各三十二人出出  
者嚴裝闢啓玄壇天帝神君當召此間土地  
里域真官正神急上闢啓臣今奉爲入齋意  
以今落景陞壇行道願得

玉清道炁靈寶妙炁下降流入臣等身中即



使玄壇清淨內外成真天无氛穢地无妖塵  
琳琅振響十方肅清萬魔不干真誠上徹令  
臣所啓速達徑御

太上无極大道至真玉皇上帝御前

請稱法位

道八

十五

具位奉行預修黃籙大齋法事小兆臣某與  
臨壇官衆等謹同誠上啓

太上无極大道虛无自然元始天尊太上道  
君太上老君高上玉皇十方已得道大聖衆  
至真諸君文人三十二天帝君玉虛上帝玉

帝大帝東華南極西靈北真玄都玉京金闕  
七寶瓊臺紫微上宮靈寶至真明皇道君三  
十六部尊經玄中大法師上相上宰上保上  
傅太平下教二十四真人西城總真王君太  
乙真人東嶽上卿司命茅君定錄保命二真  
人名山洞府得道神仙三界官屬一切真靈  
臣聞三皇玉策飛玄名制於羣靈五嶽金圖  
空洞御扶於萬象東西羅二禁之妙陰陽煥  
六甲之靈彰八史之神竒明五帝之變化函  
三開光於龍漢正一啓運於鶴鳴封山澤而



威蛟龍祭風雲而役虎豹嘯命東海檢攝北  
艷上制御於天魔下辟斥於地癘三十五分  
正經緯於縮盈八十一重宰玄黃之高厚三  
五豁落九六飛奔流法雨於蒼生躡玄雲於  
碧漢神功恢廓聖化昭融凡皈戴以由中必  
提携於厚下今齋主某形陶四象炁稟一元  
目窺瑤極之崇心逐瓊樞之運念隨塵網百  
年猶逝水之難留神逐化機三世若涉淵之  
罔測仰藉回天之力庶提墜地之期耿耿丹  
忱兢兢素悃惟洞淵金籙彰預修符戒之功

啓靈寶玉章傳受度劫年之永楓宸焯焯  
茲輝華敬徼福於先時廣流祥於後日肅嚴  
蓬華恭罄芻蕘倚道力以祈恩壇崇八陞派  
德波而衍澤齋列九朝開十華懺謝之門啓  
四極懇祈之路龍繒效信鳳璧輸誠露黍恂  
於三光殫葵忱於五嶽應天以實扣地難聞  
爰有青詞謹當宣奏

道八

十六

### 宣詞

按如詞旨備切勤渠臣等檢制百關肅清五  
體裒陸離之鳳珮朝璀璨之龍旒璇漢流華



銀蟾漾昏中之影瑤壇煥彩銅烏傳夜外之  
聲羅羽蓋於紫垣列霓旌於黃道珠簾萬點  
燦星緯以飛芒翠幹千枝恍騫林而朗照瑞  
炁耀乾坤之旦祥光凝宇宙之春九鳳和鳴  
閑玉笙而繚繞八鸞齊唱雜金磬以錚鏦寶  
光回混於玄虛梵炁彌羅於紫界傾心獅御  
扣首龍旒祈家國以均休極天人而蒙惠  
以今落景行道請法衆等運茲初捨上香  
願此香烟騰空徑上供養

无上至真道寶臣等皈身皈神皈命首體投

地仰依

太上三尊願以是功德上祝

皇帝陛下伏願寶曆天長瑤圖地大尊壽山  
於西極千秋開金鏡之祥衍福基於東瀛萬  
世配璇樞之運御飛龍而制六合執大象以

道八

十七

撫八荒列廟先靈接武雲凌於帝闕諸藩宗  
姓承顏日贊於王畿今故燒香自皈依

師尊大聖衆至真之德得道之後保天長存  
和與道合真

以今落景行道請法衆等運茲二捨上香



願此香烟騰空徑上供養

无上至真經寶臣等皈身皈神皈命首體投  
地仰依

太上三尊願以是功德歸流齋主某伏願玄  
雲垂蔭道日流輝九五箕疇欽錫粹楓宸之  
渥十三義象經營開蓬宇之華滋惠露於壺  
天流恩波於福地祖玄策景飄飄受化於朱  
丹子孫流芳螻蟻承恩於紫禁今故燒香自  
皈依

師尊大聖衆至真之德得道之後升入無形

和與道合真

以今落景行道請法衆等運茲三捻上香  
願此香烟騰空徑上供養

无上至真師寶臣等皈身皈神皈命首體投  
地叩衣

太上三尊願以是功德皈流幽關冥路滯爽  
孤魂伏願仁涵九壘德潤三途春滿寒庭開  
生門而遊宴陽回夜壑塞死戶以翱翔升真  
太素之庭高步始青之境帝鄉御景乘白雲  
以上升聖域神棲履紫烟而前邁今故燒香



自皈依

師尊大聖衆至真之德得道之後升入無形  
和與道合真

禮方

懺方

步虛

三啓

道八

六

三禮

重稱法位

具位臣某謹重誠上啓

太上无極大道元始天尊太上道君太上老

君高上玉皇十方已得道大聖衆至真諸君

丈人三十六部尊經玄中太法師天師君上  
相上宰四司五帝三界官屬一切真靈臣等  
杜櫟散材并梧脆質天啓希夷之運聖彰微  
妙之期躍鳳金章幸佩囊中之秘翔龍玉牒  
徒窺肘後之玄同流袞袞於塵棲獨咲悠悠  
於林隱玉顏莫駐金骨難圓憲網天寬幸曲  
逃於鼎鉞危機日涉慮直積於淵陵勉修進  
德之功庸補乘非之過帝恩赫奕民欲羅敷  
今齋主某勵志朝天秉心饗帝慶址期崇於  
此世福源覬演於他生尚慮志昧存三識昏



藏六石能生我不思勒馬於康衢藥可利人  
罔念牧羊於順境五賊紛紜於覺地七情汨  
沒於靈源三惑未除棄持身之玉尺四知何  
畏捐照己之冰壺真實種捨而弗耘虛妄根  
培而益漑北豐紀字東嶽刊名或先亡未脫

道八

十九

於陰郊或前過尚縈於幽境旣業緣之未滌  
慮善果之難成仰冀上聖之慈悲俯念下愚  
之懇悃恩頒尺一澤溥大千憲令雷轟願勾  
名於黑籍絲綸風動冀移字於青編九幽息  
塚訟之呼六洞絕仇讎之執一身皎潔萬業

澄清聖雲蔭其心田起居壽域德雨膏其性  
海出入春臺紫霞鬱勃於百關丹霧氤氳於  
五體松筠耐歲桃李酣春與天為徒永宴熙  
明之運隨劫受化常臻福慶之鄉得見太平  
永無衰謝上願乾坤澄彩河洛煥符風雨宣  
融山川清晏紫塞息射鵬之技玉關來天馬  
之歌鼓腹含哺遂三農之樂意耕食鑿飲騰  
萬姓之歡聲朝多筆耒之能野絕經鋤之隱  
則上明

天尊大慈之化下副臣等皈命之誠謹啓以



聞

發願

存神燒香

香官使者左右龍虎君侍香諸靈官當令臣  
落景陞壇行道之所自然生金液丹碧芝英  
百靈衆真交會在此香火爐前令臣學道得  
道求仙得仙齋主獲福幽顯沾恩十方仙童  
玉女侍衛蘭烟傳臣向來所啓速達徑御  
太上无極大道至真玉皇上帝御前

出堂頌

靈寶領教濟度金書卷之一百六十六



太上元靈大德真皇上帝

靈寶領教濟度金書卷之一百六十六



